

Zeitschrift: Schweizerische Chorzeitung = Revue suisse des chorales = Rivista svizzera delle corali = Revista dals chors svizzers

Herausgeber: Schweizerische Chorvereinigung

Band: 9 (1986)

Heft: 5

Artikel: 2lavla fiasta da cant cantunala a Scuol

Autor: Cathomen, Ignaz

DOI: <https://doi.org/10.5169/seals-1043882>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.02.2026

ETH-Bibliothek Zürich, E-Periodica, <https://www.e-periodica.ch>

tutte le forme d'espressione culturale a cui ci si dedica nel nostro Paese, in particolare, per sostenere la musica popolare, quella bandistica, il teatro popolare e altri generi di manifestazioni che rappresentano le nostre tradizioni.

A Voi l'invito, care concittadine e cari concittadini, a partecipare alla votazione del prossimo 28 settembre e a deporre nell'urna un *Si' in favore del controprogetto*.

Alphons Egli

Presidente della Confederazione

Chantun rumantsch

Gie en favur dalla cultura

Appel dall'Uniun dils chors svizzers per la votaziun dils 28 da september 1986 partenent l'iniziativa da cultura

Igl ei buca l'intenziun dall'Uniun dils chors svizzers, ed ei stat era buca en sia cumpetenzza, da dar ora parolas per votaziuns. Las cantaduras ed ils cantadurs ein dil tuttafatg libers en lur decisiun.

Ina caussa denton ei da muntada decisiva:

Il GIE per ina dallas duas alternativas duei darentar in perschuadiu GIE a pro dalla cultura.

Perquei recumandein nus da buca colligiar il GIE tier in text cun in NA tier gl'auter text, mobein cun abstenziun dalla vusch.

Aschia stattan schi biaras vuschs affirmativas sco pusseivel visavi schi paucas refusontas sco pusseivel. Mo aschia vegn silmeins *ina* finamira contonschida:

Il GIE en favur dalla cultura

Il president central:

Ernst Kleiner

2lavla fiasta da cant cantunala a Scuol

La fiasta da cant cantunala a Scuol dils 14 / 15 da zercladur 1986 ei mo pli ina regurdientscha. Bein tuts lecturs da questas lingias, che han fatg part dalla fiasta da cant a Scuol, vegnan a confirmar che quella 2lavla fiasta da cant cantunala vegni a restar nunemblideivla, ni «inschmanhabla» sco ils ladins dian, a tuts participonts. L'aura ei stada ideala, l'organisaziun perfetga, las producziuns dils chors da respectabel nivo e quei che cantaduras e cantadurs, denton era ils numerus auditurs, han apprezzau forse il pli fetg ei stada la cordialitad sorprendenta dalla populaziun dil vitg da Scuol e dall'Engiadina bassa. Insumma il vitg da Scuol e siu contuorn: ina regiuna pli amureivla ed in ambient da fiasta aschi pittoresc ei strusch d'anflar zanza el cantun Grischun. Las numerusas cantaduras ed ils numerus cantadurs giu dalla Surselva ein mintgacass stai incantai dalla cordialitad dils ladins e dil bellezza «cumün da Scuol». Secapescha ch'els han era buca survesiu enqual puccau architectonic dils davos onns, denton il vitg da Scuol per propi cun sias casas massivas e da ton character individual, las magnificas plazzas dil vitg e la populaziun aschi cordiala vegnan a restar a tuts en buna memoria.

Ina fiasta da cant cantunala ei in dils pli gronds eveniments culturals dil cantun Grischun. Cun quella caschun eis ei puspei semussau inagada da pli tgei muntada che la part romontscha ha per la cultura cantica dil Grischun. Senza igl element romontsch fuss ina tala fiasta da cant mo aunc in pauper rest, gie ins astga dir senza surfar, che senza ils chors romontschs fuss ina tala fiasta da cant cantanula strusch realisabla. Il cant romontsch ha buca mo dominau concernent il diember dils chors, mobein era pertuccont la qualitat dallas producziuns. Da quei astgein nus segiramein esser loschs. Motivs da daventar supiervis e da forsa vuler metter ils mauns a calun e tertgar che quei resti aschia a semper, havein nus tuttavia buc. Anzi il cuntrari eis ei da far. Quella cultura da cant che nus romontschs havein demonstreu a Scuol a moda schi sorprendenta, ei smanatschada oz pir che mai. Il territori romontsch sereducescha da decenni a decenni. E buc emblidei, caras cantaduras e cars cantadurs, cantau romontsch vegn ei mo schiditg ch'ei vegn discurriu romontsch. Svanescha il lungatg romontsch ord nossas valladas, svaneschan era las canzuns romontschas. Pil mument exista segiramein negin prighel direct. Nus stuein denton esser pertscharts ch'igl intschess romontsch ei oz sereducius aschi fetg, che quella digren astga buca cuntinuar vinavon, sche nus lein garantir la cultura ed il cant romontsch era pil 2lavel tschentaner. Lein pia mintgin esser attents e veglionts e sestentar cun anim e perschuasiun che nies lungatg matern semantegni vinavon en mintga vallada aunc romontscha. Specialmein stuein nus procurar ch'el mantegni sia muntada e funcziun sin mintga sector dalla veta, cunzun era en la veta publica e buca mo en famiglia.

La fiasta da cant cantunala a Scuol ha segiramein dau impuls era en quella direcziun. In dils eveniments che sto vegnir menziunaus en quest liug ei stau il concert dils differents chors da giuvenils. Per la gronda part eis ei vegniu cantau cheu cun grond engaschi ed entusiassem. Surtut era il grond e simpatic chor dils scholars da Scuol ha svegliau il sentiment che la generaziun giuvna romontscha seigi aunc presenta e sappi gest tras ina tala fiasta da cant vegnir intimada da far il sforz, ch'ei necessaris per mantener nossa cultura e nies cant, che anflan tonta simpatia ordeifer nos cunfins.

Las biaras bunas e fetg bunas prestaziuns da nos chors romontschs e segiramein era las imposantas producziuns dils chors generals romontschs, ton quellas dils chors mischedai sco quellas dils chors virils, han anflau in resun tut aparti. Als dirigents, allas cantaduras ed als cantadurs in sincer compliment per lur oreifras prestaziuns. Jeu less denton buca concluder quest cuort rapport senza menziunar ch'ins hagi era udiu excellentas prestaziuns da nos cuncantadurs da lungatg tudestg e talian.

Alla populaziun da Scuol e dall'Engiadina bassa, als chors che han organisau aschi stupent quella nunemblideivla fiasta da cant cantunala in «grazia fitg ed a bun ans vair» in'otra gada.

Ignaz Cathomen